



West Coast Transcript

Laura: Hiya

Michael: Hiya

Laura: The day we're goin tae be talkin aboot West Central dialect.

Michael: Spoken in the region o ginger boattles, the Falls o the Clyde, an Burns

Laura: Wan instance o a word ye micht hear a West Central Scots speaker yaise wad be the noun, 'glaur'.

Michael: Glaur is somethin like mud, but it's a particular kind - mair like cley.

Laura: Ye micht hear a West Central Scots speaker say somethin like, 'Ah took the dug oot this mornin... an the wee besom cam back coverit in glaur.'

Michael: Anither instance o a word ye'll mebbe hear a West Central Scots speaker yaise is the adjective, 'peelie-wally.'

Laura: If somebody's 'peelie-wally' then they lack a bittie colour, like they micht no be weel or they're wantin their bed.

Michael: Wan last word that Ah yaise masel is 'shoogle'. It's a verb. If ye gie somethin a shoogle it means ye gie it a saft shake.

Laura: Ye micht shoogle yer wean tae sleep, or gie yersel a wee shoogle for tae wauken yersel. Dae you yaise any o these words?

Michael: If ye like this video, how no hae a swatch at the ither yins?